

XXX бoб. МАЪМУРИЙ ҚАМОҚҚА ОЛИШ ТЎҒРИСИДАГИ ҚАРОРНИ ИЖРО ЭТИШ БЎЙИЧА ИШ ЮРИТИШ

345-мoддa. Маъмурий қaмoққa oлиш тўғрисидаги қарорни ижро этиш

Маъмурий қaмoққa oлиш тўғрисидаги қарор чиқарилгандан кейин дарҳол ижро этилади.

346-мoддa. Маъмурий қaмoқни ўташ тартиби

Маъмурий қaмoққa oлинган шахслар ички ишлар органлари белгилаб қўйган жойларда қaмoқда сақланадилар. Маъмурий қaмoққa oлиш тўғрисидаги қарорни ижро этиш чоғида қaмoққa oлинганлар шахсий кўрикдан ўтказиладилар.

Маъмурий йўл билан ушлаб туриш муддати маъмурий қaмoқ муддатига қўшиб ҳисобланади.

Маъмурий қaмoқни ўташ Ўзбекистон Республикаси қонунларида белгиланган қоидалар асосида амалга оширилади.

Маъмурий қaмoққa oлинган шахслар жисмоний ишларда фойдаланилади.

Маъмурий қaмoққa oлинган шахслар меҳнатидан фойдаланишни ташкил этиш туман (шаҳар) ҳокимликларига юклатилади.

Маъмурий қaмoққa oлинган шахсларга қaмoқда бўлган вақтлари учун доимий иш жойларидан иш ҳақи тўланмайди.

Қаранг: Ўзбекистон Республикасининг «Маъмурий қамоқни ўташ тартиби тўғрисида»ги [Қонуни](#), Вазирлар Маҳкамасининг 2017 йил 18 сентябрдаги 734-сонли қарори билан тасдиқланган Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар тўғрисида [низом](#), Ўзбекистон Республикаси ички ишлар вазирининг 2018 йил 15 майдаги 135-сонли буйруғи билан тасдиқланган Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар ҳудудидан маъмурий қамоққа олинган шахсларнинг четга чиқиш тартиби тўғрисидаги [низом](#), Вазирлар Маҳкамасининг 2018 йил 13 июлдаги 535-сонли қарори билан тасдиқланган Маъмурий қамоққа олинган шахсларни махсус қабулхонада сақлаш билан боғлиқ харажатларни ундириш тартиби тўғрисида [низом](#), Ўзбекистон Республикаси ички ишлар вазирининг 2018 йил 14 августдаги 220-сон буйруғи билан тасдиқланган Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналарнинг ички тартиб [қоидалари](#).